

UNIVERZITET U TUZLI  
Broj: 01-98-JN-9/22 LOT 1  
Tuzla, 08.11.2022. godine

Na osnovu člana 69. stav 2. tačka e) i člana 70. stav (4) Zakona o javnim nabavkama BiH («Službeni glasnik BiH» broj: 39/14) te člana 65. stav (1) tačka r) Statuta Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-98-JN-8/22 LOT 1 od 02.11.2022. godine po punomoći Rektora Univerziteta u Tuzli broj: 01-2593-1/20 od 11.06.2020. godine, Direktor za ekonomske poslove dana 08.11.2022. godine donio je

## **ODLUKU** **o poništenju postupka javne nabavke**

### **I**

Poništava se Otvoreni postupak javne nabavke svježeg junećeg mesa i prerađevina od govedeg i junećeg mesa – LOT 1 za potrebe restorana Studentskog centra Univerziteta u Tuzli iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

### **II**

Ova Odluka stupa na snagu danom donošenja.

### **Obrazloženje**

Univerzitet u Tuzli pokrenuo je postupak za izbor najpovoljnijeg ponuđača za nabavku svježeg junećeg mesa i prerađevina od govedeg i junećeg mesa – LOT 1 za potrebe restorana Studentskog centra putem Otvorenog postupka javne nabavke broj: 01-98-JN-2/22 LOT 1 – LOT 8 od 08.09.2022. godine objavljenom na Portalu javnih nabavki broj: 795-1-1-79-3-102/22 od 04.10.2022. godine, „Službenom glasniku BiH“ broj: 67/22 od 07.10.2022. godine i WEB stranici Univerziteta. U ostavljenom roku ponudu su dostavila dva ponuđača „Dolar company” d.o.o. Kalesija i „Bosna-Kom” d.o.o. Gračanica.

Komisija je pregledom i analizom dostavljene ponude ponuđača „Dolar company“ d.o.o. Kalesija utvrdila da ista ne sadrži sve zahtjevano tenderskom dokumentacijom. Ponuđač je u sklopu svoje ponude dostavio deklaracije za sve stavke kod kojih se zahtjevala proizvođačka deklaracija, ali za određene stavke ponudena pakovanja, odnosno opisi sa proizvođačkih deklaracija ne odgovaraju traženim iz kolone 2. Obrasca za cijenu ponude i to kod sljedećih stavki:

- stavka pod rednim brojem 3. traženo „Ćevapi juneći – smrznuti proizvod pakovanje od 400 g u kartonskoj ambalaži (20 komada ćevapa u pakovanju)“, a ponuđač na strani 42 svoje ponude nudi proizvod Visočki ćevap proizvođača VIMES d.o.o. Visoko u pakovanju od NETO: 1,000 kg i na kojem ne piše koliko ćevapa sadrži pakovanje;
- stavka pod rednim brojem 4. traženo „Pljeskavica juneća-smrznuti proizvod, pakovanje od 400 g u kartonskoj ambalaži“, a ponuđač na strani 43 svoje ponude nudi proizvod Visočka pljeskavica proizvođača VIMES d.o.o. Visoko u pakovanju od NETO: 1,000 kg;
- stavka pod rednim brojem 8. traženo „Roštiljska kobasica (blaga), sastav govede meso min. 60%, vakum pakovanje od 300g“, a ponuđač na strani 48 svoje ponude nudi proizvod Kobasica juneća roštiljska proizvođača VIMES d.o.o. Visoko u pakovanju od MASA: 0.320 kg, i na kojem se ne vidi koji je sastav govedeg mesa.

Obzirom da je u Tenderskoj dokumentaciji pod tačom 3.5.2. f) navedeno da *dostavljena deklaracija mora biti usklađena sa zahtijevanim opisom proizvoda iz kolone 2 te nazivom proizvođača kojeg ponuđač navede u koloni 5*, a imajući u vidu da ponuđač „Dolar company“ d.o.o. Kalesija nije ponudio navedene proizvode u skladu sa opisom navedenim u koloni 2. Obrasca za cijenu ponude, ponuda se odbacuje kao tehnički neispravna i kao takva ne ide u dalju proceduru javne nabavke jer je neprihvatljiva.

Daljim pregledom i analizom dostavljenih ponuda utvrđeno je da ponuda ponuđača „Bosna-Kom“ doo Gračanica sadrži sve dokaze zahtjevane tačkom 3. i 4. Tenderske dokumentacije i tehnički je prihvatljiva ali znatno premašuje budžet koji je predviđen za navedenu nabavku. Tačnije, budžet za nabavku je 70.000,00 KM bez PDV-a, a cijena ponude u iznosu od 89.900,00 KM bez PDV-a premašuje budžet za 28,4285%.

Shodno navedenom Komisija je predložila Direktor za ekonomske poslove Univerziteta da donese Odluku o poništenju postupka javne nabavke iz razloga što je cijena prihvatljive ponude znatno veća od osiguranih sredstava.

Cijeneći izneseno te činjenicu da su u ovom postupku cijena svih prihvatljivih ponuda znatno veće od osiguranih sredstava Direktor za ekonomske poslove Univerziteta je u skladu sa odredbom člana 69. stav (2) tačka e) Zakona o javnim nabavkama BiH prihvatio preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.


Prilog: Zapisnik o pregledu i ocjeni ponuda broj:  
01-98-JN-8/22 LOT 1 od 02.11.2022. godine

DOSTAVITI:

1x učesnicima

1x web site

1x a/a



DIREKTOR  
ZA EKONOMSKE POSLOVE

*Husein Matović*  
Husein Matović, dipl. oec.